

# Křižowy puć młodźiny

**10.04.2022**  
**w Pančicach-Kukowje**

**Hdy? 14.00 hodź.**

**Hdže? na klóšterskim dwórje**

**Što trjebaće?      waš wosadny  
młodźinski baner,  
wosadnik a šmóratko**

## 1. Stacija - TŮ... sy wědžal!

**K** Tebi so modlimy, Jězu Chrysće, a sławimy Će.

**L** Přetož přez swój swjaty křiž sy swět wumóžil.

### **Judašowa přerada**

*Judaš Iskariot, jedyn z dwanaćoch, woteńdže k wyšim měšnikom, zo by jim jeho přeradził. To zasłyšawši zwjeselichu so a slubichu, zo dadža jemu pjenjezy. A wón hladaše, kak móht jim jeho najlěpje přepodać.  
(Mark 14,10-11)*



### **Mysle mládežiny**

W bibliskim městnje dže wo to, zo Judaš swojeho dobrego přećela Jězusa za 30 slěbornakow přeradži. Tež džensa su tak mjenowani “fake friends”. Na přikład přeradži jedyn přećel druhého, hačkuliž staj derje spřećelenaj. Čehodla to čłowjek čini? Najhusćišo, zo by před druhimi derje wupadał abo dokelž chce cool być. Tež zawisć, žarliwosć, wječba a nahrabnosć su přičiny, čehodla čłowjek přećela přeradži.

Jězus wědžeše hižo do toho, zo budže přeradženy. Dokelž je Jězus miłosćiwy, dobry čłowjek, zachowa wědu wo tym, zo hadriju a konflikt wobeńdže.

Hdyž by był džensa něchtó přeradženy, zranjeny abo křiwdženy a to hižo zwoprědka wě, by so z toho wuwinył a čeknył. Ale Jězus to nječini. Wón njeje čeknył, ale je so situaciji cyle wědomje stajił.

Tež džensa nima so Jezus ze swojimi skutkami zabyć. Ma nam wšěm z přikładom być.

### **Zhromadna modlitwa**

Božo.

Pomhaj mi spóznać, štó moji woprawdžići přećeljo su.

Pomhaj mi, zo w hubjenych časach wěrných přećelow při sebi mam.

Pomhaj mi, sylny\*a wostać, hdyž budu mobbowany.

Pomhaj mi w najćešich časach sylny\*a wostać.

Jězuso, dyrbiš mi z přikładom być. Amen.

### **Akcija**

### **Kěrluš**

454,1+2

## 2. Stacija – TŮ... sy předwídzal!

**K** Tebi so modlimy, Jězu Chrysće, a sławimy Će.

**L** Přetož přez swój swjaty křiž sy swět wumóžil.

### **Poslednja wječer**

*Hdyž bě wječor, posydný so wón ze swojimi wučomnikami za blido. A jako jědžachu, rjekny: “Praju wam sprawdu: Jedyn z was mje přeradži.” Tu zrudžichu so woni jara a počachu so jedyn po druhim prašeć: “Sym to ja, Knježe?”*

*Wón pak wotmołwi: “Kiž wotunknje ze mnu ruku w škli, tón mje přeradži. Syn čłowjeka drje woteńdže, kaž je wo nim napisane, ale běda tomu čłowjekej, přez kotrehož budže Syn čłowjeka přeradžený! Tomu čłowjekej by lěpje było, hdy by so scyła njenarodžił.” Tu rjekny Judaš, kiž jeho přeradži: “Sym pak to ja, Mištrje?” Wón rjekny jemu: “to sy!”*

*Při wječeri wza Jězus chléb, požohnowa jón, łamaše jón a dawaše wučomnikom řeč: “Wzmiće a jěsće, to je moje ćelo!” Potom wza keluch, podžakowa so a poda jón jim ze słowami: “Pijće z njeho wšitcy, přetož to je krej mojeho zwjazka, kotraž so přeliže za mnohich k wodawanju hrěchow!” (Matej 26,20-23.26-28)*



### **Mysle młodostnych**

W nocy do swojeje smjerće wječerješe Jězus ze swojimi wučomnikami, swojej swójbu. Mjeztym zo zhromadnje swječachu, předpowědži Jězus, zo budže wot swójbneho přeradžený a zo je to jeho posledna wječer. To jeho jara zrudži. Ale byrnež Jězus dokładnje wědžał, što jeho přeradži, njewza wón swojemu přeradnikej, mjenujcy Judašej, přeradu za zło. Džěli chléb z nim a druhimi wučomnikami. Jězus Judašej hnydom woda.

Tež džensa swjećimy hišće wječer: sedžimy zhromadnje za blidom, řečimy mjez sobu, džělimy našu jědž a naše napoje ze sobu. Zhromadnje jěsć, z tym zwjazamy zhromadnosć, swójbu, džakownosć, wjeselo a druhdy tež rozžohnowanje.

Bože wotkazanje w cyrkwinskim zhromadženstwje, ale tež wšědna jědž ze swójbu ma nas přeco na to dopominać, zo je Jězus cyły čas pola nas. Žiwjenje je daće a wzaće, na so hladanje a na so džiwanje.

Móžemy so na to spušćeć, zo nam Jězus přeco woda, nas posylnja a pomha, zo bychmy tež druhim wodali kaž wón to čini.

### **Zhromadna modlitwa**

Zhromadnje jěsć zwjazuje, zwurazni zhromadnosć a zwjazanosć.

Jězus, hdyž zhromadnje jěmy, sy mjez nami a słušamy k tebi. Amen

### **Akcija**

**Kěrluš** 454, 3



### 3. Stacija – TŮ... mjelčeše!

K Tebi so modlimy, Jězu Chrysće, a sławimy Će.

L Přetož přez swój swjaty kříž sy swět wumóžil.

#### Jězus přeslyšowany a zasudženy

Ći pak, kiž běchu Jězusa zajeli, wotwezechu jeho k wyšemu měšnikej Kajfasej, hdžež běchu so pismawučeni a starši zešli.



Wyši měšnicy a Wysoka rada pytachu wopačne swědčenje přećiwo Jězusej zo móhli jeho k smjerći zasudzić, ale njenamakachu žane, hačkuli wjele wopačnych swědkow wustupi. Naposled přińdžeštaj dwaj a prajištaj: “Tutón je rjekł: “Móžu Boži templ zwottorhać a za tři dny zaso natwarić.” Tu stany wyši měšnik a rjekny jemu: “Njewotmołwiš ničo na to, štož rěčitaj tutaj přećiwo tebi?” Ale Jězus mjelčeše. A wyši měšnik rjekny jemu: “Wopřisaham će na žiwym Bohu, zo by nam prajił, hač sy Mesias, Boži Syn!” Jězus jemu wotmołwi: “Haj, ja to sym. Wyše toho praju wam: Wotnětka wuhladaće Syna čłowjeka sedžeć k prawicy Wšehomocy a přichadžeć na mróčelach njebja.” Tu natorhny sej wyši měšnik swoju drastu prajo: “Boha je hanił! Na čo trjebamy hišće swědkow? Hladajće, nětko sće slyšeli bohahanjenje! Što měniće wy?” Woni wotmołowichu: “Wón je smjerće winowaty!” Potom pluwachu jemu mjezwoči a bijachu jeho z pjasćomaj, druzy jeho plistowachu powědajo: “Wěšć nam, Mesiaso, što je će dyřił.” (Matej 26,57.59-67)

#### Mysle młodostnych

Jězus, ty sy był w prawdže, tola niktó njeje Ći pomhał hač Bóh sam. Ty bu přeslyšany a z wopačnymi wuprajenjemi swědkow wobwinowany. Tola sy mjelčał – njewěm čehodla? Bych Ći rady pomhał, tola njewěm kak? Čuju z tobu. Wěm kak so tebi dže – hdyž Ći niktó njewěri, kóždy je přećiwo tebi a žadyn přećel a pomocnik k tebi njesteji. Hdyž bych zadwělowany a hněwny był, potom bych so wobarał, so hóršił, njebych so schował. Ja to njerozumju – ja to njemóžu wěrić, zo će bijachu a napluwachu. Hišće mjenje njemóžu zrozumić, zo je to džensa hišće tak, kaž za twój času. To kipi před njesprawnosću!

Bych sebi přał, zo niktó wjace sam njeje, ale wot wšěch lubowany abo znajmjeńša akceptowany. Wšitcy za jednoho a jedyn za wšitkich – tak by był swět perfektny.

#### Zhromadna modlitwa

Dobry Božo,  
druhdy sym jara zrudny\*a, dokelž čuju so wuzamknjeny\*a.  
We mni je čma.

Pomhaj mi, zo bych wěrných přećelow namakał\*a.

Pomhaj mi, zo bych był\*a akceptowany\*a.

Pomhaj mi, zo mi něchtó wěri.

Pomhaj mi prošu, zo bych spóznał\*a, zo sym dobry čłowjek, tak kaž sym.

Amen.

#### Akcija

Kěrluš 339, 1+2+3

## 4. Stacija - Tý...znjeseš!

**K** Tebi so modlimy, Jězu Chrysće, a sławimy Će.

**L** Přetož přez swój swjaty křiž sy swět wumóžil.

### Jězusa krónuja

*Wuslěkach jeho a woblecachu jeho purpurowy płašč. Spletši z černi wěnc stłóčichu jón jemu na hłowu a dachu jemu sćinu do prawicy. před nim klakajo wusměšowachu jeho rjejo: "Strowimy ěe, kralo Židow!" Pluwachu na njeho a wzachu sćinu a bijachu jeho na hłowu. A hdyž běchu jeho wusměšeli, slečechu jeho płašč a woblecachu jeho z jeho drastu. Potom wotwjedžechu jeho, zo bychu jeho křižowali. (Matej 27,28-31)*



### Mysle mládstneho

Jězus bě na kóncu svojich mocow. Wojacy torhachu jemu šaty z ćěla. Mužoj zwoblekachu jemu čerwjeny kabat, mjeztym plečeše druhi muž krónu z černjow. Njekedźbliwje sadžichu jemu tutu na hłowu a položichu jemu kij do kraweje ruki. Po tym zadžeržachu so, kaž bychu to kralej napřečo činili: Padnychu na kolena prajo: "Budź strowjeny kralo Židow!" Potom pluwachu jemu do mjezwoča a bijachu jeho z kijom, kiž bě do toho wot muži dóstał. Po tym zo běchu jich njemdrość na Jězusu wupušćili, wotewzachu jemu kabat a zwoblěkach jemu jeho swójsku, roztorhanu drastu.

Kak sylni w skupinje być móža! To jim čezko njepadnje, Jězusa wusměšować a jeho bić. Jězus je sčerpny. Da to ze sobu činić. A kak je naše stejšćo?

Tute mnohe mobbingowe pady rěča za sebje. Ale čehodla? Je to dla zawistnosće? Dla swójskich problemow? Njerěka w božich kaznjach: „Njemor?”

My „morimy” w myslach, słowach a počinkach a mamy tež hišće naše wjeselo z tym. Je wjele lóšo wo druhich čłowjekach hubjenje rěčec a sudzić, hač přez sebje sameho a swoje špatne skutki a kajkosće rozmyslować.

### Zhromadna modlitwa:

Twoje přecelstwo je kaž swěca w čemnosći,  
kaž ćopłota, hdyž zyma je,  
kaž tróšt, hdyž sym zrudny,  
kaž zepěra, hdyž padnu,  
kaž puć, kiž cilej wjedže,  
je žiwosć za moju dušu.  
Twoje přecelstwo je dar,  
Džakuju so ěi za twoju dowěru,  
za twój podžěl, za twoje přihłosowanje.  
Amen (Udo Hahn)

### Akcija

**Kěrluš** 338, 1+2

## 5. Stacija – TŮ... tróštowaše!

**K** Tebi so modlimy, Jězu Chrysće, a sławimy Će.

**L** Přetož přez swój swjaty křiž sy swět wumóžil.

*Wobhladaj sebi wobraz.*

*Fokusěruj so na Jězusa, kotryž křiž nosy.*

*Rozšěr swój wid potom tež na druge wosoby.*

**Kak su tamni na jednanju wobdžěleni?**



### Mysle młodostnych

Jězus bu na horje Golgota skřižowany, dokelž čujachu so mnozy ludžo tehdy wot njeho wohrozeni. Přičina za to bě, zo lud Jězusa lubowaše. Wón bě jenički, kiž staraše so wo ludži, kotraž běchu w towaršnosći njewoblubowani.

Po puću na Golgotu scěhowachu Jězusa tež jeho přiwisnicy, kotřiž chcychu jemu po boku stać. Mjez nimi bě mnoho žonow, kiž so nadžijachu, zo Jězus jich z potłócowanja wuswobodži. Wone skoržachu a žarowachu zjawnje wo njeho, přewodžachu Jězusa po swojim puću do smjerće a pokazachu swoju sobuželnosć a ból.

Jako pak wuhlada Jězus płakace žony, nareča jich a tróštowaše je. Wón njehladaše na sebje a swoje bolosće, ale mjenješe, zo měli žony radšo wo sebje a swoje džěci płakać. Pomyslmy stajnje na to, zo mamy zamołwitosć za wšěch ludži a wosebje za naše džěci: Njezawrěć woči před njeprawosću, ale pokazać sobučuće a tym pomhać, kiž trjebaja pomoc, kaž je to Jězus činił. Na tym měli sebi příklad wzać!

### Próstwy

1. Knježe – prosymy za wšitkich, kotřiž su slepi horju a bolosćow svojich sobučłowjekow napřečo. Daj, zo bychu so jich wutrobam nakazali. Knježe smil so!

**L:** Knježe smil so!

2. Knježe – daruj tym, kotřiž skorža a žalosća, dopóznaće, zo so swět njeda přez to polěpšić, ale zo da pesimizm wšo jenož hišće ćmowšo wupadać. Knježe smil so!

**L:** Knježe smil so!

3. Knježe – pomhaj nam puće namakać, zo móhli našich blišich sobučućiwišo zetkać. Knježe smil so!

**L:** Knježe smil so! AMEN.

### Akcija

### Kěrluš

338, 3+4



## 6. Stacija – TŮ...sy nas dla wuměrať!

**K** Tebi so modlimy, Jězu  
Chrysće, a sławimy Će.

**L** Přetož přez swój swjaty křiž  
sy swět wumóžil.

### Křižowanje

*Přišedši na městno z mjenom  
Golgota, to rěka městno nopa,  
dachu jemu ze žolčom změšane  
wino pić. Wón to wopta, ale  
nochcyše pić. Hdyž běchu jeho  
skřižowali, rozdžělichu sej jeho  
drastu, losujo wo nju.*

*Nad jeho hłowu přčinichu napis  
wo jeho winje: To je Jězus, kral  
Židow.*



*Wot šesteje hodžiny nasta ćma po cyłym kraju hač do džewjateje hodžiny. Wokoło džewjateje  
hodžiny zawoła Jězus jara wótrě: “Eli, Eli, lema sabachtani?”, to rěka: “Mój Božo, mój Božo,  
čehodla sy mje wopušćil?” (Matej 27, 33-35.37.45-46)*

### Mysle młodostnych

W teksće křižowanja jedna sada wosebje napadnje: “Mój Božo, mój Božo čehodla sy mje wopušćil?”

Znaješ začuće wot Boha być wopušćeny\*a?

Njemysliš sebi tež druhdy raz: Bóh je zemju, je nas, je mje wopušćil?

Słyšiš-li powěsće, čitaš-li nowiny?

Jězus z nami woła! Wón je na našim boku.

Ale my? Stejimy my na swoim boku?

Čehodla njestejimy k njemu? Ze stracha, snano?

Ja sym křesćan\*ka a chcu jako křesćan\*ka žiwy\*a być. To woznamjenja předewšěm tak žiwy być kaž wón nas wuči: lubować blišeho a sebje sameho\*u.

### Zhromadna modlitwa

Jězuso – sy nas dla wuměrať!

Ty wuměraše z lubosće k nam.

Džakuju so ći, zo mje tak lubuješ.

Jězuso – sy nas dla wuměrať!

Ty za nas rukuješ.

Budž ty při mni, hdyž sym bojazliwy a njedočinju za tebje rukować.

Jězuso – sy nas dla wuměrať!

Ty wuměraše z lubosće k nam!

Za to so ći džakuju.


AMEN.

### Akcija

**Kěrluš** 326, 1+5

**Terminy 2022**

|                  |           |                                                                  |
|------------------|-----------|------------------------------------------------------------------|
| <b>Meja</b>      | 6.-8.5    | Jězba młodostnych do Oberammergauwa                              |
|                  | 22.5      | Mejski nyšpor w Ralbicach                                        |
| <b>Juni</b>      | 23.-26.6  | Wosadny swjedźeń we Wotrowje                                     |
| <b>Julij</b>     | 9.7       | Biskopski wobswětowy dzeń                                        |
|                  | 16.7      | GiG Festiwal w Róžeńće                                           |
|                  | 18.-22.7  | Nabožny tydźeń z putnikowanjom džěci Biskopstwa                  |
| <b>Awgust</b>    | 31.7-5.8  | Putnikowanje do Krupki<br>(zarjadowanje Chróšćan wosady)         |
| <b>September</b> | 11.9      | Wulět dekanateje młodźiny z rejemi                               |
|                  | 16./17.9  | Bistumsjugendtag/ Wechselburg                                    |
|                  | 23.-25.9  | Kubłanske dny serbskeje młodźiny<br>w Schmiedebergu (P14)        |
| <b>Oktober</b>   | 15.10     | Klawsura kružka                                                  |
|                  | 21.10     | Kermuška w Chróšćicach<br>(zarjadowanje Chróšćan wosady)         |
| <b>Nowember</b>  | 20.11     | Młodžinska wuznawanska njedźela –<br>Chrysta Krala w Chróšćicach |
|                  | 25./26.11 | Mandželski seminar w Smochćicach                                 |
| <b>December</b>  | 4.12      | Adwentnička dekanatneje młodźiny we Wotrowje                     |

*Změny su móžne!***Zestajało:**

Dekanatne dušepastyrstwo za młodžinu  
Młynski puć 4; 01902 Worklecy  
035796 95595

Teksty a wobrazy z: <https://jugendkreuzweg.at/>